

اتوار 20 جولائی، 2025

مضمون - حیاتی

سنہری متن: زبور 1:27 آیت

”خداوند میری لوتے میری مکتی اے۔ مینوں کیدا ڈر؟ خداوند میری حیاتی داپشتہ اے۔ مینوں کیدا خوف؟“

جوابی پڑھائی: زبور 27:3، 5، 8، 11، 13 آیتاں

زبور 23:6 آیت

3۔ بھانویں میرے خلاف لشکر خیمہ زن ہووے میرے خلاف جنگ لگے فیروی میں خاطر جمع رکھاں گا۔

4۔ میں رب کولوں اک درخواست کیتی اے۔ میں اوہدا ای طالب رہواں گا میں ساری عمر خداوند دے گھر وچ رہواں گاتاں جو خداوند دے جلال نوں ویکھاں تے اوہدی ہیکل وچ استفسار کریا کراں۔

5۔ کیوں جے مصیبت دے دن اوہ مینوں اپنے شامیانے وچ لکو کے رکھے گا اوہ مینوں اپنے خیمے دے پردے وچ لکالو وے گا۔ اوہ مینوں چٹان اُتے چڑھائے گا۔

8۔ جد تو آکھیا پئی میرے دیدار دے طالب رہو۔ تے میرے دل نے تینوں آکھیا۔ اے خداوند میں تیرے دیدار دے طالب رہواں گا۔

- 11۔ اے خداوند مینوں اپنی راہ دس تے میرے ویریاں دے پاروں مینوں سدھی راہ اُتے چلا۔
- 13۔ جے مینوں یقین نہ ہندا پئی جیوندیاں دی دھرتی وچ خداوند دے احسان نوں ویکھاں گاتے مینوں غش پے جاندا۔
- 6۔ یقیناً بھلیائی تے رحمت ساری عمر میرے نال نال رہن گیاں تے میں ہمیشہ رب دے گھر وچ سکون کراں گا۔

درسی وعظ

بائبل وچوں

1۔ امثال 12 باب 28 آیت

28۔ سچائی دی راہ وچ حیاتی اے تے اوہدے راستے وچ موت بالکل نئیں۔

2۔ استثناء 33 باب 1 (توں اسرائیل)، 12 (پیارا)، 25، 27 (توں)، 29 آیتاں

- 1۔ رب دے بندے موسیٰ نے جیہڑی دعائے خیر دے کے۔۔۔ بنی اسرائیل نوں برکت دتی اوہ ایہہ اے۔
- 12۔ خداوند اپیار اسرائیلی نال اوہدے کول رہوے گا اوہ سارا دن اوہنوں ڈھک کے رکھدا اے تے اوہ اوہدیاں موڈھیاں دے وچالے سکونت کردا اے۔

- 25- تیریاں جھتیاں لوہے تے پتل دیاں ہوں گیاں تے جیویں تیرے دن اونچ دی ای تیری طاقت ہووے گی۔
- 27- ہمیشہ دارب تیری سکونت گاہ اے۔ تے بیٹھاں دائی باہنواں نیں۔
- 29- دھن ایس توں اے اسرائیل! توں خداوند دی بچائی ہوئی قوم ایس ایس لئی کون تیرے ورگاہے؟ اوہ ای تیری مدد والی سپر تے تیرے جاہ و جلال دی تلوار اے تیرے ویری تیرے بیٹھاں ہوں گے تے توں اوہناں دیاں اُچیاں تھانواں نوں ڈھادیوں گا۔

3- کنٹی 13 باب 1، 2، 25 توں 28 (توں: 33 آیتاں)

- 1- تے خداوند نے موسیٰ نوں آکھیا پئی
- 2- توں بندیاں نوں گھل پئی اوس دیس دا جیہڑا میں اسرائیلی قوم نوں دیناواں حال پتا کرن۔
- 25- تے چالی دنوں بعد اوہ اوس دیس دا حال پتا کر کے پرتے۔
- 26- تے اوہ ٹرے تے موسیٰ تے ہارون تے بنی اسرائیل دی ساری جماعت دے کول دشت فاران دے قادس وچ آئے تے اوہناں نوں تے ساری جماعت نوں پوری گل دسی تے اوس دیس دا پھل اوہناں نوں دکھایا۔
- 27- تے موسیٰ نوں آکھن لگے پئی جیس دیس وچ توں ساہنوں گھلیا سی اسی او تھے گئے سی تے سچ مچ او تھے شہد تے دُھ و گدا اے تے ایہہ او تھے دا پھل اے۔
- 28- پر اوہ لوکی جیہڑے او تھے و سدے نیں اوہ تگلڑے نیں تے اوہناں دے شہر وڈھے وڈھے تے فصیل دار نیں تے اسی بنی عناق نوں وی او تھے ویکھیا۔
- 33- تے اسی بنی عناق نوں وی ویکھیا جیہڑے جبار نیں تے جباراں دی پیڑی وچوں نیں تے اسی اپنی نظر وچ ای اتیخ سی جیویں ٹڈے ہندے نیں تے اتیخ ای اوہناں دی نظر وچ وی سی۔

4۔ کنٹی 14 باب 6 توں 9، 20، 22، 23 (توں)، 24، 36 توں 38 آیتاں

6۔ تے نون داپتریشوع تے یفنه داپتر کالب جیہڑے اوس دیس داحال پتا کرن والیاں وچوں سی اپنے اپنے کپڑے پھاڑ کے:

7۔ بنی اسرائیل دی ساری جماعت نوں آکھن لگے پئی اوہ دیس جید احوال پتا کرن نوں اسی اوہدے وچوں لنگے بوہت چنگا دیس اے۔

8۔ جے رب ساتھوں راضی رہو وے تے اوہ ساہنوں اوس دیس وچ اپڑائے گا تے اوہ ای دیس جیدے وچ شہد تے دُده وگدا اے ساہنوں دیوے گا۔

9۔ بس ایہہ ہو وے پئی تسی خداوند توں بغاوت نہ کرو تے نہ اوس دیس دے لوکاں توں ڈرو اوہ تے ساڈی خوراک نیں اوہناں دی پناہ اوہناں دے سروں جاندی رہئی اے تے ساڈے نال رب اے ایس لئی اوہناں توں نہ ڈرو۔

20۔ خداوند نے آکھیا۔

22۔ کیوں جے ایہناں سارے لوکاں نے میرا جلال ویکھن دے باوجود تے اوہناں معجزیاں دے باوجود جیہڑے میں مصرو وچ تے بیابان وچ دکھائے فیرو میمنوں دس واری ازمایاتے میری گل نہیں منی۔

23۔ ایس لئی اوہ اوس دیس نوں جیہڑا دین دی قسم میں اوہناں دے پیو دادے نال کھادی سی ویکھ وی نہ سکے۔

24۔ پر ایس لئی پئی میرے بندے کالب دی کجھ ہو رانی طبیعت سی تے اوہنے میری پوری پیروی کیتی اے میں اوہنوں اوس دیس وچ جتھوں اوہ ہو آیا ہو وے اپڑاںواں گاتے اوہدی اولاد اوہدی وارث ہو وے گی۔

36۔ تے جنہاں بندیاں نوں موسیٰ نے دیس داحال پتا کرن نوں گھلیا سی جنہاں نے پرت کے اوس دیس دی اجیہی بھیسڑی خبر دتی سی جیدے توں ساری جماعت موسیٰ اُتے کڑکڑان لگ پئے۔

37۔ ایس لئی اوہ بندے جنہاں نے دیس دی بھیسڑی خبر دتی سی خداوند دے سامنے وبانال مر گئے۔

38۔ پراوہ بندے جیہڑے اوس دیس داحال پتا کرن گئے سی اوہناں وچوں نون داپتریشوع تے بفسنہ داپتر کالب دونویں جیوندے بچے رہے۔

5۔ یشوع 14 باب 6 توں 12 (توں، 13، 14، 15) تے اوس دیس نوں آیتاں

- 6۔ تد بنی یہوداہ جلجال وچ یشوع دے کول آئے تے قزنی بفسنہ دے پتر کالب نے اوہنوں آکھیا پئی تینوں پتا اے پئی خداوند نے رب دے بندے موسیٰ نوں میرے تے تیرے بارے قادس برنیع وچ کیہ آکھیا سی۔
- 7۔ جد خداوند دے بندے موسیٰ نے قادس برنیع توں مینوں اوس دیس داحال پتا کرن نوں گھلیا سی اوس ویلے میں چالی ورھیاں داسی تے میں اوہنوں اوہ ای خبر لیا کہ دتی سی جیہڑی میرے دل وچ سی۔
- 8۔ فیروی میرے بھرانواں نے جیہڑے میرے نال گئے سی لوکاں دے دلاں نوں پگھلا دتا پر میں خداوند اپنے رب دی پوری پیروی کیتی۔
- 9۔ تد موسیٰ نے اوس دن قسم کھا کے آکھیا پئی جیس دھرتی اُتے تیرا پیڑیا اے اوہ ہمیشہ لئی تیری تے تیرے پتر دی میراث ہووے گی کیوں جے توں خداوند اپنے رب دی پوری پیروی کیتی اے۔
- 10۔ تے ہن ویکھ جدوں تو خداوند نے موسیٰ نوں ایہہ گل آکھی اے اوہدوں توں ایہناں بینتالی ورھیاں تیکر جنہاں وچ اسرائیل بیابان وچ آوارہ پھر دے رہے خداوند نے مینوں اپنے آکھن دے مطابق جیوندہ رکھیا تے ہن ویکھ میں اُج دے دن پچاسی ورھیاں داواں۔
- 11۔ تے اُج دے دن وی میں اونچ دا ای واں جیویں اوس دن سی جدوں موسیٰ نے مینوں گھلیا تے جنگ لئی تے باہر جان نوں تے پرتن لئی جیویں دی طاقت میرے وچ اوس ویلے سی اونچ ای اُج وی اے۔
- 12۔ ایس لئی ایہہ پہاڑی جیداں خداوند نے اوس دن کیتا سی مینوں دے دے۔
- 13۔ تد یشوع نے بفسنہ دے پتر کالب نوں دے داتی تے اوہنوں جبرون میراث دے طور تے دے چھڈیا۔

14- جبرون اوس ویلے توں اج تیکر قنزی بفنہ دے پتر کالب دی میراث اے ایس لئی پئی اوہنے خداوند اسرائیل دی رب دی پوری پیروی کیتی۔

15- تے اوس دیس نوں جنگ توں چھٹکارہ ملیا۔

6- زبور 1:16، 5، 6، 8، 11 آیتاں

1- اے ربا! میری حفاظت کر کیوں جے میں تیرے وچ ای پناہ لیناواں۔

5- رب ای میری میراث تے میرے پیالے دا حصہ اے۔ توں میرے بخرے دا حفاظت کرن والا ایں۔

6- جریب میرے لئی پسند دیاں تھاواں وچ پئی بلکہ میری میراث چنگی اے!

8- میں رب نوں ہمیشہ اپنے سامنے رکھیا اے۔ کیوں جے اوہ میرے سبے ہتھ اے ایس لئی مینوں جنبش نہ ہووے گی۔

11- توں مینوں حیاتی دی راہ دکھادیں گا۔ تیرے حضور وچ کامل شادمانی اے۔ تیرے سبے ہتھ وچ ہمیشہ دی خوشی اے۔

سائنس تے صحت

1- 13-9:200

حیاتی ہمیشہ مادے توں آزاد سی، ہے تے ہمیشہ رہوے گی، کیوں جے حیاتی رب اے تے انسان رب دا تصور اے، جنہوں مادے نہیں بلکہ روحانی طور تے بنایا گیا سی، تے اوہ دے لئی فنا ہوون یا تباہ ہوون دی شرط نہیں اے۔

2- 18:151 (دی)-24

لہو، دل، پھپھریاں وغیرہ دا حیاتی، یعنی رب نال کوئی تعلق نہیں اے۔ اصل انسان دا ہر کم الہی سیان دی رکھوالی وچ اے۔ انسان دی سوچ قتل کرن یا علاج کرن دی کوئی طاقت نہیں رکھدی، تے ایہد ارب دے بندے اُتے کوئی اختیار نہیں اے۔ اوہ الہی سیان جسے انسان نوں بنایا اپنی صورت تے شبیہ نوں قائم رکھدا اے۔

3- 1:246-16، 20-31

انسان بریائی تے چٹکائی، خوشی تے دکھ، بیماری تے صحت، حیاتی تے موت وچ جھولدا ہو یا پینڈو لم نہیں اے۔ حیاتی تے اوہدیاں طاقتاں نوں کیلنڈراں نال نہیں ناپیا جاند۔ کامل تے لافانی اپنے بناؤن والے دی ہمیشہ دی شبیہ نہیں کسے وی طراں انسان مادی جرثومہ نہیں جیہڑا غیر کامل توں ترقی کر رہیا تے جیہڑا اپنی اصلیت توں اُچے روح تیکر اپڑن دی کوشش کر رہیا ہووے۔ ندی اپنے منبعے توں اُچی نہیں وگدی۔

شمسی ورھے دے مطابق عمر دی درازی جوانی کھولیندی تے عمر نوں بد صورتی فراہم کردی اے۔ سچائی تے اصلیت دا منور سورج ہستی دے نال وجودیت رکھدا اے۔ جو انمردی ایہدی ابدی دو پہراے جیہڑی ڈوبدے ہوئے سورج دے

نال دھیمی ہندی جاندی اے۔ بدنی تے مادی دی طراں خوبصورتی د اعار ضی فہم دھندلا ہندا جاند اے، روشن تے ناقابل تسخیر تعریفیں دے نال روح دے نور نوں مسرور فہم اُتے طلوع ہونا چاہیدا اے۔

اوہ سب کچھ جو چنگا اے تے سوہناں اے اوہنوں نوں پن تے حد وچ کرن دی غلطی دے سوا انسان سٹھ ورھیان دی حیاتی دا بوہتا مزہ لووے گاتے فیرووی اپنی ذہنی طاقت، تازگی تے وعدے نوں قائم رکھے گا۔ لافانی حکمران دے بیٹھاں انسان ہمیشہ سوہناں تے وڈھا ہندا اے۔ ہر آؤن والا سال سیان، خوبصورتی تے پاکیزگی نوں سامنے لیاؤندا اے۔

حیاتی ہمیشہ دی اے۔ ساہنوں ایہہ لبھنی چاہیدا اے تے ایہدے توں اظہار نوں شروع کرنا چاہیدا اے۔ حیاتی تے چنگائی لافانی نیں۔ تے آؤ اسی وجودیت دے بارے اپنے خیالاں نوں عمر تے خوف دی بجائے پیار، تازگی تے لگاتاری دے نال بنائیے۔

4- 18-13:247

لافانیت، عمر تے فناپذیری توں بچ دیاں ہوئے، اپنا جلال آپ، یعنی روح دی چمک رکھ دی اے۔ غیر فانی بندے تے بڈھیاں روحانی حس دان نمونہ ہندے نیں جیہڑے کامل سیان نال تے پاکیزگی دے اوہناں اُچے نظریاں دا پر چھانواں ہوون نال بنائے جاندے نیں جیہڑے مادی حس توں اُچے ہندے نیں۔

5- 11-5:248

جوانی تے بلوغت دے دناں وچ بندیاں تے بڈھیاں نوں ہنیرے یا داسی وچ ناکام ہوون دی بجائے صحت تے فائیت وچ بالغ ہونا چاہیدا اے۔ لافانی سیان، سوچ دیاں سوہنیاں تصویریاں مہیا کر دیاں ہوئے تے فہم دے اوہناں ویریاں نوں فنا کر دیاں ہوئے جیہڑے ہر روز ایہنوں قبر دے نیسٹے لے جان دے نیں، بدن نوں مافوق الفطری تازگی تے حسن دی خوراک دیندی اے۔

6- 28-21:407

جے نظر دادھو کا اکھدا اے، ”میں اپنی یادداشت گواچکیاواں۔“ تے ایہدی مخالفت کرو۔ سیان دی کوئی صلاحیت مکدی نیں۔ سائنس وچ ساری ہستی ہمیشہ دی، روحانی، کامل تے ہر عمل وچ ہم آہنگ اے۔ اک کامل نمونے نوں تہاڈے خیالاں وچ پیش ہوون دو بجائے ایہدے بد اخلاق مخالف دے۔ خیالاں دی روحانیت تہاڈی سیان نوں روشن کردی تے ایہدے وچ الہی سیان یعنی حیاتی لیاؤندی اے نہ کہ موت۔

7- 30:245 (فرسودگی)۔ 31

--- فرسودگی قانون دے مطابق نیں تے نہ ایہہ فطرت دی لوڑا اے، بلکہ ایہہ اک بھرم اے۔

8- 16:5 (رب)۔ 18

رب، ساڈے دور دے مطابق ساہنوں طاقت دیندیاں ہوئے، فہم تے الفت وچ اپنی محبت دی دولت انڈیلدا اے۔

9- 25-16:183

فرضی قانون جنہاں دانہ نتیجہ مایوسی تے بیماری نکلدا اے اوہدے قانون نیس، کیوں جے سچائی دا کلا جائز تے ممکن عمل ہم آہنگی دی ای پیداوار اے۔ فطرت دے قانون روح دے قانون نیس۔ الہی سیان جائز طور تے انسان دی پوری فرمانبرداری، پیار تے طاقت دی مانگ کردی اے۔ ایہدے توں گھٹ وفاداری لئی کوئی تحفظ نیس رکھے جاندا۔ سچائی دی تابعداری انسان نوں طاقت تے قوت عطا کردی اے۔ غلطی نوں حوالگی طاقت دا گھٹا پین نوں ودھا دیندی اے۔

10- 3-29:79

سیان دی سائنس تعلیم دیندی اے پئی انسان نوں ”چنگے کم کرن لئی فکر مند ہووون“ دی لوڑ نیس۔ ایہہ نیک کم کرن دی تھکان نوں ختم کردیندا اے۔ خیرات دینا ساہنوں ساڈے خالق دی خدمت وچ غریب نیس بناؤندا، نہ ای ایہنوں روکنا ساہنوں دوں لہند بناؤندا اے۔ سچائی دے بارے ساڈی سمجھ دے تناسب وچ ساڈے اندر طاقت اے تے ساڈی طاقت سچائی نوں ظاہر کرن نال گھٹ نیس ہندی۔

11- 21-1:385

ایہہ اکھان اے پئی فلورنس نائٹ انگیل تے انسانی مزدوری وچ شامل ہووون والے دو جے ایثار پسند لوکی اوہناں تھکاوٹاں تے انکشافاں وچ ڈوبن توں بغیر ایہنوں پار کرن دے قابل ہوئے جنہاں نوں عام لوکی برداشت نہ کر سکے۔ ایہدی وضاحت اوس مدد وچ اے جیہڑی اوہناں نے اوس الہی قانون توں حاصل کیتی جیہڑا انسان توں اُچاسی۔ روحانی شرط، مادے نوں دباؤنا، دو جیاں ساریاں مددیں توں اگے ودھدیاں ہوئے طاقت تے برداشت فراہم کردی اے تے

بائبل دا ایہہ سبق پلیمین فیلڈ کرچن، آزاوولوں تیار ہو یا اے۔ ایہہ کنگ جیمز بائبل ویاں آیتاں تے میری یکیر ایڈی دی لکھی ہوئی کرچن سائنس دی وری کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

اوس سزاتوں بچاؤندی اے جیہڑی سزاساڈے عقیدے ساڈے بوہت چنگے کماں دے نال ملاؤندے نیں۔ آؤ یاد رکھے پئی ٹھیک ہون دا ہمیشہ دا قانون، بھانویں ایہہ پاپ نوں آپ اپنا جلا دین دے قانون نوں کدی منسوخ نہیں کر سکدا، انسان نوں سوائے غلط کماں توں ساریاں سزاواں توں آزاد قرار دیندا اے۔

لگاتار محنت، محرومیاں، انکشاف تے ساریاں ناخوشی دیاں حالتاں، جے پاپ توں بغیر نیں، تے اوہناں دا تجربہ بغیر تکلیف دے ہو سکدا اے۔ جیہڑا وی کم تہاڈے اُتے فرض ہووے، تسی اوہ اپنے آپ نوں تکلیف دتے بغیر پورا کر سکدے او۔ جے تہاڈے پٹھے وچ موج اے یا جسم اُتے زخم اے تے ایہدا اچھیتی نال علاج ہندا اے۔ ذہن ایہدا فیصلہ کردا اے پئی جسم داغ، پیڑ، سوجھ تے ساڑ محسوس کرے گا یا نہیں۔

12- 32:414 (مواد)۔5

مادے نوں بھڑکایا نہیں جاسکدا۔ اشتعال اک ڈراے، انساناں دی اک اچھی جوش نال بھری حالت جیہڑی عام نہیں ہندی۔ غیر فانی سیان ای کلی وجہ اے: ایس لئی بیماری وجہ اے نہ اثر اے۔ سیان ہر صورت وچ ابدی رب یعنی چنگیائی اے۔ پاپ، بیماری تے موت سچییائی وچ کوئی بنیاد نہیں رکھدی۔

13- 8:199 (پٹھے)۔14

پٹھے اپنے آپ کم نہیں کردے۔ جے سیان ایہناں نوں حرکت نہ دیندی، تے اوہ بے حرکت ای رہندے۔ ایس لئی ایہہ وڈھی اصلیت اے پئی کلی سیان ای اپنے اختیار نال، ایہدی طلب تے فراہمی دی طاقت دے پاروں، انساناں نوں ودھاؤندی تے اوہنوں طاقت دیندی اے۔ پٹھیاں دی مشق دے راہیں نیں، بلکہ مشق اُتے لوہار دے یقین دے پاروں اوہدی بانہہ مضبوط ہندی اے۔

14- 10-6:167

اسی الہی سائنس وچ صرف تد حیاتی پانے آں جد اسی بدنی فہم توں اُچی حیاتی گزار دے آں تے اوہنوں ٹھیک کر دے
آں۔ نیکی یا بدی دے دعویاں لئی ساڈا متناسب اعتراف ساڈی وجودیت دی ہم آہنگی، ساڈی صحت، ساڈی لمی عمر تے
ساڈی مسیحیت دا تعین کر دالے۔

15- 12-7:492 (ہستی)

ہستی، پاکبازی، ہم آہنگی تے لافانیت اے۔ ایہہ پہلے توں ای ثابت ہو گیا اے پئی ایہدا علم، حالانکہ معمولی درجے اُتے
وی، انساناں دے بدنی تے اخلاقی معیار نوں اُچا کرے گا، عمر دی لمبائی و دھاوے گا، کردار نوں پاک تے اُچا کرے گا۔
ایس لئی ترقی ساری غلطی نوں تباہ کرے گی تے لافانیت نوں لو وچ لیا دے گی۔

16- 18-16:578

یقینا بھلیائی تے رحمت ساری عمر میرے نال رہن گیاں تے میں ہمیشہ [محبت [دے گھر وچ [شعور وچ [سکون کراں
گا۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کر دیاں ہوئے، سبھی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چُستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔